

Čestitka povodom Svjetskog dana geodeta 2026

23.03.2026 14:53



Federalna uprava za geodetske i imovinsko-pravne poslove upućuje iskrene čestitke svim geodetkinjama i geodetima u Bosni i Hercegovini povodom Svjetskog dana geodeta – 21. marta. Ovaj datum se u međunarodnoj stručnoj zajednici obilježava kao dan posvećen promociji značaja geodetske profesije, njenog doprinosa razvoju društva i njene ključne uloge u upravljanju prostorom, zemljištem i pouzdanim geoprostornim podacima.

Geodetska struka danas ima izuzetno važnu ulogu u procesima digitalne transformacije javne uprave, razvoju infrastrukture prostornih podataka, unapređenju katastra i zemljišnih evidencija, prostornom planiranju, izgradnji, zaštiti okoliša te podršci održivom društvenom i ekonomskom razvoju. Savremena geodezija objedinjuje stručnost, tehnologiju i odgovornost, stvarajući pouzdanu osnovu za donošenje kvalitetnih odluka u javnom i privatnom sektoru.

U 2026. godini ovaj dan je obilježen širom svijeta, uz poseban naglasak na važnost lokalnih i regionalnih organizacija u razvoju i promociji struke, kao i na jačanje saradnje i vidljivosti geodetske zajednice u savremenom digitalnom okruženju.

Federalna uprava za geodetske i imovinsko-pravne poslove ostaje opredijeljena jačanju geodetskog, katastarskog i geoinformatičkog sistema Federacije Bosne i Hercegovine kroz razvoj savremenih registara, unapređenje kvaliteta prostornih podataka, digitalizaciju usluga i podršku institucionalnoj saradnji u zemlji i međunarodnom okruženju.

Svim geodetkinjama i geodetima, kao i svim stručnjacima koji svojim radom doprinose razvoju geoprostornog sektora, upućujemo izraze poštovanja i zahvalnosti uz želju za daljnji profesionalni uspjeh, napredak i prepoznatljivost naše struke.

Sretan Svjetski dan geodeta!